

## Papia Jut da Mandag<sup>it</sup>

*But piso gen*

Gen on papiagwan toj ujun 2 Pita kon gen toj ujun yombem pali. Ujun Piŋkop dakon miŋat aminyo Gen Bin Tagisi dakon uwalni da gen yoŋ ujun do mirak dimasi yopni do yosok. Papia da yaŋ yosok, “Piŋkop da miŋat amin kabini nin nandaŋ gadat kalonji kongin atneŋ do yosok. Ae amin kinda da nin da nandaŋ gadat amaŋ ujun kulabik aripmi dima asak.” (Gagi 3 kon koki).

*Jut da yoyi*ndet toptopmi do pindak kimotni do yosok. Ujun da yaŋ yoŋ, Piŋkop dakon nandaŋ yawotni ujun madepsi do yokwi morap galak tokjikon tagi ani yaŋ yoŋ. Ujun topsi yoŋ do kaŋ kimotni do yosok. (Gagi 4 kon do koki.)

*Ji nandaŋ gadatji do* kila aŋek Gen Bin Tagisi dakon uwalni pabiŋ yopni

<sup>1</sup> Nak Jut, nak Yesu Kristo dakon oman monjini, ae Jems dakon padige.

On papia ujun Piŋkop da miŋat aminyo yaŋ damgut ji do mandisat. Piŋkop Dat da but dasi galak taŋ damisak, aŋakwan Yesu Kristo da iyi kilasi tagisi asak.

<sup>2</sup> Piŋkop da paŋpuluganban bupmi aŋpak gat, ae but yawot aŋpak gat, ae amin do but dasi galak taŋ yomyom aŋpak da egip egipjikon madepsi tosak do bisit asat.

*Gen Bin Tagisi* dakon uwal dakon gen

<sup>3</sup> Notnonisi, mibiltok nak Piŋkop da nin morap yok-wikon baŋ timit do aŋek pi madepsi agit ujun do papia mandaŋ dam do galagi madepsi nandat, mani abisok gen

kinda mandakerŋ yarŋ nandisat uŋun yarŋ: ji nandaŋ gadatji kilani tebaisi aŋek uwalji dakon gen pabiŋ yopni. Piŋkop da nandaŋ gadat kaloŋi on miŋat amini nin do nimgut, do amin kinda da yo nin da nandaŋ gadamaŋ uŋun kulabik ariŋpmi dimasi asak. <sup>4</sup> Nak gen uŋun dayisat, nido Piŋkop manji imarŋ amin di paŋmuwukbigwan pasilikon da kili abiŋ piŋeŋ. Uŋun amin gen yokwisi yarŋ yoŋ, “Piŋkop dakon nandaŋ yawotni madepsi, do yumabi aŋpak mibili mibili tagi aneŋ.” Uŋun amin da Amin Tagi Yesu Kristo Kila Amin Madepnin kaloŋi manji imarŋ, do kalipsigwan Piŋkop gen papia da yagiŋ uŋun da ariŋmon uŋuden amin pasildaŋ.

<sup>5</sup> Ji Amin Tagi da kalip yo agit uŋun kili nandawit, mani butji pabo pisaŋban uŋun do sigin nandani do dayisat. Amin Tagi da kalip Israel amin uwal da kisiron baŋ timikban Isip yiŋmaŋ kiwit. Aŋek don nandaŋ gadat dima awit amin uŋun paŋtasik agit. <sup>6</sup> Ae aŋelo do nandani. Diwari uŋun Piŋkop da pi yomgut uŋun ak do dima galak tawit, aŋek kokupni yiŋmaŋ dekgwit. Yarŋ awit do Amin Tagi da nap teban tebaisi uŋun baŋ paŋteban agit, ae dam teban pilin tuksigwan yopgut da ekwaŋ. Uŋun Piŋkop da kobogi do yo yokwisi yomdisak dakon bisap madep do jomjom aŋek ekwaŋ. <sup>7</sup> Ae Sodom kokup amin gat ae Gomora kokup amin gat ae kokup uŋun da kapmatjok tawit uŋun do nandani. Uŋunyo kisi aŋpak yokwisi awit. Wili miŋatyo kisi da yumabi aŋpak mibili mibili awit, do Piŋkop da kindapmon soŋban pasilgwit. Uŋun da mama gen niyiŋek yarŋ nolisak, yokwi pakpak amin morap kindap kimot kimori mini uŋungwan kobogi timitdaŋ.

<sup>8</sup> Ji dakon nandak nandak paŋupbal ak do pi aŋ amin uŋunyo kisi yarŋ gin aŋpak yokwi aŋ. Dipmin mibili mibili

pindagek unun da panthagap aban yumabi anpak anek giptim timni panupbal aba inanisi an, ae Pinkep kwen wigik an iminek anelo tapmimi ton unun do yanba yokwi tok an. <sup>9</sup> Maikel unun anelo morap dakon mibiltok amini, mani unun yan dima agit. Maikel gat Sunduk gat namin da Moses dakon giptim abidosak yan do gen emat agimal bisapmon, Maikel Sunduk do yanba yokwi tok an iminek gen yan imdo si pasalgit. Yan gin yagit, “Amin Tagi da iyi gen tebaisi gayisak dosi nandisat.” <sup>10</sup> Mani unun amin yo morap mibili dima nandan pison unun do yanba yokwi tok an. Unun bit kilapyo buri mini yombem da giptim dakon galaktok yolgan. Unun anpakni da obisi panupbal an. <sup>11</sup> Awa, kan kimotni. Unun Ken dakon anpak an. Unun Balam da agit unuden monej timit do tek kindap an. Unun Kora da agit unuden Pinkep kwen wigik an iman, do wagil pasildan.

<sup>12</sup> Ji but kalon anek jap noknok bisap madepmon yikgan bisapmon unun amin ji da binapmon yikgan unun imal kwakwagikon garak an unun yombem. Mani unun ji gat yigek jap nok do mayagi dima nandan. Unun amin iyi banjin panpulugok dogin nandan. Unun gikwem sikak dima yopba manakwa mirim da pisonba dukwan dukwan kwan unun yombem. Unun kindap bami toktok bisapmon bami dima pokgon, ae geli walimbil pilikbi, do kosit bamot kimakgit. <sup>13</sup> Unun amin tap madepsi tamalikgan unun yombem. Yokwini dakon mayagi tarak ae sibat sibat da yan ilenikon noman ton. Unun kundukon gik kositni ban dima yolek akwan unun yombem. Do Pinkep da kokup pilin tuk dakon pilin tugisi kili anroman an yomgut, unudon kin toktok teban egi wigikdan.

---

**1:9:** Dan 10.13,21; 12.1; Sek 3.2; 2Pi 2.11; PA 12.7    **1:10:** 2Pi 2.12    **1:11:** WW 4.7-8; IDT 16.1-35; 2Pi 2.15; 1Jn 3.12    **1:12:** 2Pi 2.13,17

<sup>14</sup> Enok unun Adam dakon babiknikon da altanban kosiri 7 agit. Unun da unun amin yokwi do kombi gen yanek yan yagit, “Koni, Amin Tagi telagi aneloni tausen morapmi gat apdisak. <sup>15</sup> Abinek minat amin morap gen pikon yopdisak. Anek anpak yokwi awit ae gen yokwisi yan imgwit dakon kobogi yomdisak.” <sup>16</sup> Unun amin yo morap noman tan yoman unun do nandaba yokwi tok anek gen morapmi yon. Unun iyi dakon butni dakon galaktok yokwi unun yol do galak ton. Unun gen pap yanek giptim pawigik anek iyi dakon man pawikwan. Anek minat aminyo unun panpulugoni do pangalak an.

*Nandan gadatji yipba unun da butji panteban asak*

<sup>17</sup> Mani notnonisi, yo don altokdan unun do aesi nandani, unun Amin Taginin Yesu Kristo dakon yabekbini da kili yan tentenan damgwit. <sup>18</sup> Unun da yan dayiwit, “Mibi gildaron jigilak gen yogok amin noman tokdan. Anek Pinjkop manji iminek iyi dakon galaktok yokwi yoldan.” <sup>19</sup> Unun amin da panmuwukbi panwasan. Unun miktim dakon galaktok banjin yolgan. Telagi Wup unun aminon dima egisak.

<sup>20</sup> Mani notnonisi, ji bisapmi bisapmi nandan gadatji Pinjkop da iyi ji do dangut unun yipba unun da butji panteban asak. Ae Telagi Wup da tapmimon bisit ani. <sup>21</sup> Pinjkop da ji do but dasi galak tan damisak, do unun da kapmatjok egek bisapmi bisapmi Amin Taginin Yesu Kristo do jomjom anakwa bupmini nomansi analon anakwan egip egip teban abidoni. <sup>22</sup> Nandan gadatni dima teban tanbi amin do bupmi nandan yomni. <sup>23</sup> Ae amin diwari kindapmon ekwan, do ji tepmisi yokwikon ban timitni. Ae diwari do bupmi anpak an yomni bisapmon,

yokwikon gepni yan do kan kimagek pasol pasol gat kisi ani. Ujun but kalip dakon anpak yolek garak gin awit. Ji yo morap Piŋkop da dabilon garagi tagi unjun da dubagikon egipni.

*Nin Piŋkop dakon man awigineŋ*

<sup>24</sup> Kili nak Piŋkop ankisiat. Tapmimni madepsi, do kilasi anjakwan aripmi dima mokdar. Ujun da timik panji depban iyi gat tilimnikon egek gulusunji mini ae kisik kisik madepsi tan damdisak. <sup>25</sup> Ujun kalon dagin Piŋkop egisak. Anek Yesu Kristo Amin Taginin da pi agit unjun do anek nin yokwikon ban timikgit. Do mani awigineŋ. Ujun Kila Amin Madep egisak, ae tapmim madepni tan imisak, ae yo morap dakon busunji egisak. Wasok wasogikon yan egipgut, ae abisok kisi yan gin egisak, ae don bisap morap kisi yan gin egipdisak teban. Ujun asi.

**PIŪKOP GEN**  
**The New Testament and Psalms in the Yopno Language of Papua**  
**New Guinea**  
**Nupela Testamen na Buk Song long tokples Yopno long Niugini**  
copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 19 Oct 2021 from source files dated 17 Oct 2021

b683ce50-d820-5bfc-8471-d8ee080be106